



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

viiij Maria vnnd Ursula inn Brabandt verbrandt.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

tiglichen gelitten / vnd mit hülff des Sohns
Gottes / welchen sie bekandt vnd angeruffen /
beständiglich vberstritten hat.

Von Marie der heyligen reynen Jungfrau
wen / vnser HERRN vnd Heylandts
Ihesu Christi Mutter / geburt / leben / vnd se-
ligem sterben / habe ich ahn seinem orth droben
meldung gethan. Darumb wollen wir hie von
Maria von Beck / so zu vnsern zeitten vmb wa-
rer bekandnuß willen gelitten hat / sagen. Di-
se Maria vnd jr Schwester Ursula wohneten
zu Dolden / drey Meil von Dänter / sein ge-
weß von adelichem stammen / Diweil sie aber
durch fleißig lesen vnd predig hören / zu warer
erkandnuß Christi gebracht / vnd solches / so
sie darumb gefragt / frey mit grundt offentlich
bekandten / wurden sie gegriffen / vnd gen Dä-
nter geführt / vnd daselbst ernstlich ires glau-
bens halbe befragt. Sie aber bekandten offent-
lich / daß sie mit der Widertäußerischen Se-
cten oder Lehr gar kein gemeinschaft hetten /
Auch hielten sie das Abendmal vnser Herren
Ihesu Christi / darinnen vnns seine wolthaten

R v ver.

nat
S
viii
Marie
geburt.

verheissen vnd versichert seindt / für die rechte Christliche Mess / Vnd dergleichen bekanden sie von andern Christlichen Artickeln mehr. Also ward erstlich Maria die ältest / zu einem schrecken Ursula der Jüngern / verbrandt / Vnd dieweil auch Ursula beständig bliebe / ward sie auch verbrandt. Das wunderwerck hat sich begeben / daß der Hencker die todten Körper nicht kundt verbrennen / sonder blieben bloß stehen / vnd wurden bey Nacht von den frommen Christen zugedecket. Davon ist ein hübsch vñ Christlich Lied außgangen / im 1545 Jar.

Gor
G
ir
Kün-
gundis.

Diese ist ein keusche vnd Christliche Frau / vnd ein Ehegemahel Kaysers Heinrichs des andern gewesen / Sie haben in ihrem Ehelichen standt ganz friedlich / keusch / vñ züchtig gelebt. Durch ihr beyder anregen ward König Stephan zu Ungern / welchem er sein Schwester vermählet / mit grosser menge des Ungerrischen Volcks zu Christlicher erkandnuß gebracht. Dieser Heinrich vnd Künigunda haben viel herrlicher Stifft / als zu erhaltung des Christlichen glaubens / vnd zu aufferbawung der Christliche jugend / auffgerichtet / vñ reichlich